

**ЗАМ, ТЭЭВРИЙН ЯАМНЫ ҮЙЛ АЖИЛЛАГААНЫ
НИЙТИЙН МЭДЭЭЛЛИЙГ ИЛ ТОД БАЙДЛЫН ХЭРЭГЖИЛТЭД
2024 ОНЫ ЖИЛИЙН ЭЦСИЙН БАЙДЛААР ХИЙСЭН
ХЯНАЛТ-ШИНЖИЛГЭЭ, ҮНЭЛГЭЭНИЙ
АЖЛЫН ТАЙЛАН**

2025.01.09

Улаанбаатар хот

Нэг. Хяналт-шинжилгээ, үнэлгээний зорилго:

Нийтийн мэдээллийн ил тод байдлын тухай хуулиар заасан үндэслэл, журмын дагуу иргэний мэдээлэл хайх, хүлээн авах эрхийг хангах, нийтийн мэдээллийн дэд бүтцийн эрх зүйн үндсийг тогтоох, төрийн үйл ажиллагааг цахим хэлбэрээр явуулах, нээлттэй, ил тод, шуурхай байлгах, төрийн үйл ажиллагаанд олон нийтийн хяналтыг бий болгоход оршино.

Хоёр. Танилцуулга:

Төрийн үйл ажиллагааг нээлттэй, ил тод, хүнд сурталгүй, авилгаас ангид байлгах, иргэдэд үйлчлэх үйлчилгээг ил тод хөнгөн шуурхай болгох, хангах талаар Зам, тээврийн яамнаас хийж буй ажлын явцыг Засгийн газрын 2020 оны 206 дугаар тогтоолоор баталсан “Бодлогын баримт бичгийн хэрэгжилт, захиргааны байгууллагын үйл ажиллагаанд хяналт-шинжилгээ, үнэлгээ, хийх нийтлэг журам”-ын 9 дүгээр хавсралтад заасны дагуу Мэдээллийн ил тод байдлын хэрэгжилтэд хяналт-шинжилгээ, үнэлгээ хийлээ.

Зам, тээврийн яамны Нийтийн мэдээллийн ил тод байдлын шалгуур үзүүлэлтийн 5 хэсгийн 46 арга хэмжээний хэрэгжилт 2024 оны жилийн эцсийн байдлаар 92.8 хувь байна. Шалгуур үзүүлэлт тус бүрийн үнэлгээг хүснэгтээр харуулбал:

/Хүснэгт 1/

Хэсэг	Нийт арга хэмжээ	Үнэлгээ /хувиар/					Хамаарахг үй	ХШҮ
		100	70	30	0	Хугацаа болоогүй		
1	10	9	-	1	-	-	-	93.0
2	6	5	-	-	1	-	-	83.3
3	15	13	1	1	-	-	-	93.3
4	2	2	-	-	-	-	-	100.0
5	13	8	1	-	-	-	4	96.2
Нийт	46	37	2	2	1	-	4	92.8

Засгийн газрын 49 дүгээр тогтоолын хавсралтад заасан цахимжилтыг эрчимжүүлж, төрийн байгууллагын үйл ажиллагааны ил тод байдлыг хангаж, хүнд суртлыг арилгахаар “Шил ажиллагаа”-ны хүрээнд “shilen.gov.mn” системээр Нийтийн мэдээллийг ил тод байдлын тухай хуульд заасан 98 мэдээ, мэдээллийн хэрэгжилтийг бүх шатны төрийн байгууллага хангуулахаар www.shilen.gov.mn дээр тайлагнаж, Цахим хөгжил, инновац, харилцаа холбооны яам хяналт тавьж ажиллаж байна. Яамны нээлттэй мэдээллийн ил тод байдлын 5 хэсгийн 98 шалгуур үзүүлэлтийн хэрэгжилт 2024 оны жилийн эцсийн байдлаар **92.4** хувь байна. Шалгуур үзүүлэлт тус бүрийн үнэлгээг хүснэгтээр харуулбал:

№	Хэсгийн дугаар	Арга хэмжээний тоо	Авбал зохих оноо	Авсан оноо	Шилэн индексийн үнэлгээ
1	1	18	2160	1900	86.96
2	2	7	840	750	89.29
3	3	29	2040	1980	97.06
4	4	6	720	660	91.67
5	5	27	1320	1255	95.08
Нийт		98	7080	6545	92.44

Гурав. Үнэлэлт, дүгнэлт:

3.1. Засгийн газрын 2020 оны 206 дугаар тогтоолоор баталсан “Бодлогын баримт бичгийн хэрэгжилт, захиргааны байгууллагын үйл ажиллагаанд хяналт-шинжилгээ, үнэлгээ, хийх нийтлэг журам”-ын 9 дүгээр хавсралтад заасан Нийтийн мэдээллийн ил тод байдлын шалгуур үзүүлэлтэд заасан 46 арга хэмжээний хэрэгжилт 2024 оны жилийн эцсийн байдлаар 92.8 хувь байна.

3.2. Засгийн газрын 49 дүгээр тогтоолын хавсралтад заасан цахимжилтыг эрчимжүүлж, төрийн байгууллагын үйл ажиллагааны ил тод байдлыг хангаж, хүнд суртлыг арилгахаар “Шил ажиллагаа”-ны хүрээнд “shilen.gov.mn” системээр Нийтийн мэдээллийг ил тод байдлын тухай хуульд заасан 98 мэдээ, мэдээллийн хэрэгжилтийг бүх шатны төрийн байгууллага хангуулах үүрэг өгөгдсөн. Зам, тээврийн яамны “shilen.gov.mn” системээр ил тод байдлын хэрэгжилтийг тайлагнасан ба Цахим хөгжил, инновац, харилцаа холбооны яам 92.4 хувиар үнэлсэн байна.

3.3. Зам, тээврийн яамны Нийтийн мэдээллийн ил тод байдлын хэрэгжилтэд онцлон анхаарч яамны үүдний хэсэгт дижитал самбарыг ажиллуулж, мэдээллийн самбарын мэдээ, мэдээллийг тухай бүр шинэчлэн байршуулан ажилласан байна.

3.4. “Нийтийн мэдээллийн ил тод байдлын тухай хууль”-д нууцын тухай хуульд хамаарах нууц баримт бичиг, мэдээ, мэдээллээс бусад арга хэмжээг тайлагнах ба төрийн үйл ажиллагааг цахимаар нээлттэй, ил тод, хүнд сурталгүй иргэдэд үйлчлэх, үйлчилгээг ил тод хөнгөн шуурхай болгоход чиглэсэн байгааг анхаарч, мэдээ мэдээллийг тайлагнан ажилласан нь сайшаалтай байна. .

Дөрөв. Санал, зөвлөмж:

4.1. Мэдээлэл хариуцагч нээлттэй мэдээллийн ил тод байдлыг хангахад Засгийн газрын 2022 оны 201 дүгээр тогтоолын хавсралтаар баталсан "Нээлттэй мэдээллийг цахим хэлбэрээр байршуулж нийтлэх, шинэчлэх, хяналт тавих нийтлэг журам"-ыг үйл ажиллагаандаа мөрдлөг болгон ажиллахыг БТГ-г;

4.2. Мэдээ, мэдээллийг цахим хуудсанд мэдээлэх ажлыг хариуцсан мэргэжилтэн нар хариуцлагатай байлгах, тухай бүр мэдээллийг шинэчлэх, тайлан мэдээг бүрэн байршуулах, цахим хуудсанд байршсан хуучирч цаг хугацааны хувьд үнэ цэнэ алдсан мэдээллүүдийг устгах, цахим мэдээллийн самбарт мэдээллийг шинэчлэх зэрэгт анхаарч, байнгын хяналт тавьж ажиллахыг ХШҮДАГ-г;

4.3. Нээлттэй мэдээллийн ил тод байдлыг яамны цахим самбар болон бусад аргаар олон нийтэд түгээх, төрийн үйлчилгээг ил тод, хүнд сургалтгүй байлгахад анхаарч, мэдээллийн баяжуулалтыг тухай бүр хийх зэрэг зохион байгуулалтын арга хэмжээ авч ажиллахыг нийт албан хаагчид анхаарах;

4.4. Нээлттэй мэдээллийн ил тод байдлын шалгуур үзүүлэлтийн биелэлтийг цаг хугацаа, тоо баримттай, холбогдох цахим холбоосны хамт тайлагнаж байхыг яам болон харьяа байгууллагын албан хаагчдад тус тус зөвлөж байна.

ХЯНАЛТ-ШИНЖИЛГЭЭ, ҮНЭЛГЭЭ, ДОТООД АУДИТЫН ГАЗАР